

## Рабиғуль аввал базлизиб мавлид бирни

Мавлид – ил Мухаммад идбаг ﷺ акниличил разидешла байрам барни саби. Мавлидличил лехи хъути Идбагла ﷺ тамашала гъамрула мурхъдешлизи хъербизес бирар. Идбагла ﷺ баликьяна-бала гъамруличила ва баркъудумачила багъес имкан лебниличил хъулдикъули ахленрав? Илди ва илдачи мешути цархилти суалти сунела хъяланала яра урхъла хъяланала ясирли ветхъеурси яра хамдешли кепхъерисси бусурман адамлизил дедалли, илис гъанбикес асубирар ну мехъуриубли ахленрав или. Ил бетаруси саби, сенкун гъарли-марли бусурман адамтазир илди гъунти суалти алкъули хъедирар ва илди гъунти суал-тас жаваб беддугес хъяжатдеш алкъули хъебирар. Илди гъунти суалти ахъдучахъес нушачи чебуркъахъуб цацабехъл адамтани мавлид шаригъятла хъулчначи ва къяйдуртачи балбикисси ахлен или бурули аргъибхъели. Цацахъели илди хатгаллизил бикибти адамтани чули буруси марбарес къасличил Къуръайзирадти аятунни ва Идбагла ﷺ хъядисунни гъандуршули бирар, чянкъли илди гъягъисси тяхъарли баянхъедарилли яра гъарацъли баяндирули. Чинаб сабил бархъдеш ва чинаб сабил хатла бархъли хъясиббарес лебилра бажардихъебиркни хъисаблизил касили, динна узбани тиладибарни хъясибли нуни къасбарира мавлидла хъекълизисси суал шаригъятла умцантачи каби хъес. Къудратла Веғл Аллагълара ﷻ ва илис дигуси Мухаммад идбаглара ﷺ гъалар хъардиркути жавабкардешла лебилра битлакъра хъисаблизил касили, гъур динна узбала гъалар ва дила гъалар набчи хъардиркути жавабкардешра иргъули, ну вавасикъули ахленра ил суалла чебкъад чула пикри бурес лайикъти бахъал гъялимти лебниличил ва илдани ил бурниличил вирхулра. Марлирагу, ил гъазаватли нушала узбала ва рузбала гъалаб Исламла чебхъидеш гъаргибуру, ва Къиямала бархъли умцантачиб нушала баркъуди бегълара умучебси дехли бетарар. Аллагъла Расул ﷺ чеви хъири дархъти секъал дурухъели ну чеви хъисси судла бархъира лерилра хъушачил вархъ Идбагла ﷺ байрахълиув виес хъуликъулра. Са-



гъадеш сабира мавлид? Цаибил яргалис баянбирехъе мавлид Идбагла ﷺ замана агарси сагадеш саби или вавасикъутала пикри. Хъядисунала шайчивси машгъурси гъялим имам аль-Хъяфиз Сахавини бурни хъясибли, Ислам тинтбирес бехъибхъибхъейчирад 300 дус дикибхъели, бусурманти мавлид саби или мажлисличи цалабиркес бехъибхъибтири. Дуб-дубли мавлидуни дунъяла лерилра мераназир булан дирес бехъикаби хъиб. Къуръаннизил ва хъядисуназил мав-

лидуни дурадуркниличил къаршиси селра агни ашкарбиубхъели, машгъурти гъялимтанира имамтанира мавлидуни дурадуркни гъяхъси баркъуди сабливан къиматлабариб. Лебилра улкализир мавлидуни дирес бегъ гъалав вехъибхъиссири халиф Малик Музаффари Гъижрала урегъибил даршдусла ахирлизив. Илала баркъуди гапбариссири Ибну Касирли. Асубирар, саби «Мавлид» ибси дев динна шайчивси белгиси гъядатла у сабли биесра.

### Номерлизир:



Дагъиста муфтигъили бусурманти дурхъаси Рабиғуль аввал базличил мубаракбирули сай



Аллагъла ﷻ махлукълизивад веғлара дурхъаси



Дурхъати мавлидуни

## Бегъла гъергъисси дягъват

«Ишбархъли Нуни хъушала дин камил барибси бархъли саб, хъушаб Дила нигъматунира ада-ахъира, хъушаб Ислам динра декъарабарира» - (Мягъна), сурату Аннисаъ, 3 аят.

Их аят хъурабарибхъели Гумар асхъяб ﷺ висивииб или бурули саби, илизи Идбагли ﷺ сен висусил хъарбаибхъели, Пумар асхъябли ﷺ жаваб чарбатур: «Ну нушала динла хъекълизив висивиира, нуша динлизир калунра, ишбархъли ил камил бариб, амма секъал камил хъебиру ил селизил биалра нукъсан хъебарили». Идбаг ﷺ илизи виклар: «Хъуни бархъдеш

бурири». Бурули саби, их аят хъурабарибси саби Идбаг ﷺ гъергъисси хъяжлизив Гъярафаличи, сунела валриличив тлашизурли левалли, жумягъли бархъли дакъала замана дикили гъергъи, их аятла гъергъира гъатли аят хъурабарибси ахлен. Их аят хъурабарибхъели нушала Идбаглис ﷺ ихала мягънурти декъидубли, сунела валриличи хъарихъун, валрира къукъумачи кабиб. Идбагличи ﷺ вакъиб Джабриягъил малаикъ ﷻ ва виклар: «Я Мухаммад, марлира ишбархъли хъушала динла амру таманбиуб, Аллагъли ﷻ хъед амру дирутира, датахъес хъардирутира тамандиуб, хъуни хъела асхъябтира бучили илдази бура ну

гъатли ишбархъила гъергъи хъечи льявкъуси ахленра». Идбагли ﷺ хъяжра барили Маккализивад Мадинализил чариубхъели, бучили лебил сунела асхъябти илдази бегъла гъергъисси аятра белчъли, лерил сунези Джабриягъил малаикли дурибтира дуриб. Иличил асхъябти дебали разибиубли биклар: «Марлира нушала дин таманбиуб». Амма Абу Бакр Сиддикъ гъатлира дебали марайвиубли къалабали сунела хъули чарухъун. Пекъили хъулрала унзара илав дугелира хъерелира цакъли висес вехъибхъиб. Ил анцъбукъличила асхъябтани багъурли, цалабикили иличи бакъили биклар:

# Дагъиста муфтийли бусурмантани дурхъаси Рабигуль аввал базличил мубаракбирули сай

Ахлerti узби ва рузби, уркли-урклиларад хлуша дурхъаси базличил мубаракдарес дигулра, сунезивра нушала Мухяммад идбаг ☞ аклубси! Аллагълизи ☞ тиладибирулра Идбаг ☞ чевяхъирахъес, илала хлурмабирахъес гурра нушаб дахъа лим-

канти гахъес. Аллагълизи ☞ тиладибирулра, иш базлизив аклубси Мухяммад идбаг ☞ багъандан, Дагъистан лерил балагъуназибад, питнализивад, миллатуни ургарти ва динани ургарти цахлебалгундешуназибад берцахъес. Хиядислизиб

буруливан, иш дунгъаличиб нушаб дигутачил дархдирутира нуша. Аллагъли ☞ нушаб Сунела Расулличира ☞ илдигъуна дигай дихъахъес кумекбараб, ил къяянси бархли нушара Мухяммад идбагла ☞ байрахълиур дихъес.

## Бегла гьегъисидягъват

1 «Я Абу Бакр, хлу сен висусири разивиз хияжатси замана, Аллагъли ☞ нушала дин камил барибси замана хлу сен висусири?» Абу Бакр ☞ виклар: «Я асхлябти, хлушани балули ахленрая баклибси балагъла халадеш, хлушани хлебакъираяв сегъуналра амру камил биубхъели ил удибхъи башес бехъбирхъуси сабни, марлира их аятли нушала Хиябибличил декларадиркниличила бурулиги, ихини Хиясанра, Хусейнра ятимтани калниличила бурулиги, Идбагла ☞ хьунри гамали калниличила бурулиги». Илхъели лебил асхлябти урклибухъун ва лебил бисес бехъибхъиб. Унрубани Абу Бакрла хьулрала духинарад дурадлухъути бисала бакъили, Идбагличи ☞ баклили виклар: «Я Аллагъла Расул, асхлябтала ургаб се анцбукъ кабикибсил нушани балули ахленра амма нушани илдала цакъти бисала бакъира». Илди гъай дакъибхъели Идбагла ☞ дяхла ранг дарсдиуб ва айзурли къалабали Сунела асхлябтачи арякъун. Абу Бакрла хьулрачи аваибхъели Идбагли ☞ асхлябтала хля чебаили урклибухъун ва сен хлуша дисутираяв или хьарбаиб. Илхъели Гяли асхляб ☞ виклар: «Абу Бакр виклули сай их аятлизибадди нуни Аллагъла Расул вебкес замана гъамбиклини аргъира или, их аят Ху вебкес замана гъамбихъилис лишан сабу?» Илхъели Идбаг ☞ виклар: «Абу Бакрли бархъдеш буриб, марлира наб хлушала ургавад арукъяс замана гъамбиклули саб, нуша декларадикес замана гъамбиклули саб». Ихичибли багъес вирар Абу Бакр ☞ лебил асхлябтазивад бегларе секлал балуси виъни. Идбагла ☞ ихти гъай дакъибхъели Абу Бакр ☞ халаси тламара дарили, къагъиубли кайкиб. Гяли асхляб ☞ руржесаиб, лебил асхлябти дебали урклибухъун ва цакъли бисес бехъибхъиб, илдачил дарх шурмира дисуллири, къаркъубира дисуллири, ванзаличиртира закличиртира малаикунни, лерил ванзалара урхъанларе мицтираг дисуллири. Пур Идбагли ☞ сунела асхлябтазивад гъарилличи дугъавизурли, илдачил вягъдара бариб, висули васиятра бариб. Их аят хьурабарили гьегъи Идбаг ☞ 81 бархли калун, их аятра бегларе гьегъисид аят бетаур. Их аят хьурабарили гьегъи Идбаг ☞ ца бархлизив минбарличи ацили хутба бариб. Их хутбаллизирад адамтала хлули бисани кантдиклулири, урклиб руржулири, къаркълумби зимдиклулири. Ибну Гяббасли хиядис бурули сай: «Идбагла ☞ беклала замана гъамбиклухъели, Идбагли ☞ Билал асхляблизид адамта-

зи дехъбайчи баклахъес тамадарахъес хьарбариб. Билалли адамти цалабилахъес тламатариб. Идбагла ☞ мижитла цалабикиб мугъажиртира (Идбагличи ☞ барх Маккализивад мадинализид гъижра барибти) ансартира (Мадинализир Идбагличи ☞ бутлакъяндеш дарибти). Халкъиличил дарх клел ракагъятла суннатла дехъбалара дарили Идбаг ☞ минбарличи ациб. Аллагъла ☞ дурхъаварили, Аллагълиси ☞ шукрура барили цакъси хутба бариб. Ил хутбани лехъихъутала хлули бисани кантдиклахъулри, урклиб руржахъулири. Пур адамтачи дугъавизурли виклар: «Я бусурмантани! Ну хлушаб идбагли калунра, нуни хлушаб насихат бирули калунра, Аллагъла ☞ ихтиярличибли нуни хлушаб Аллагъла ☞ гъуйчи дакъахъес дягъват бирули калунра. Ну хлушаб хлушачи уркли изуси узи сайри, урклеци чевси дудеш сайри, хлушазив ну хлекълизи викибси левли виалли, адизурли хлушала хлекъ сасая, ил къиямала бархли сахъес багъандан». Кабибтазивадди чилра ахлейзур. Идбагли ☞ сунела гъай клийнара - хляйнара дуриб, илхъели ца адм айзур, сунесра Мухсинла урши Гякашат биклулири. Ил Идбагла ☞ гъала тлашизурли виклар: «Я Аллагъла Расул, хлуни чуйнара или хлейъадри ну их секла хлекълизив арахъелзаси. Ну хъечил варх Бадрла гъазаватлизив калунра, дила урчи хъелайчил цугбикиб, нура урчиличивад кацлили, хъела къяшличи байвикес пикриличил хъела мякъла гъамвиубра, хлуни, урчи дуцбухъахъес бирхъуси гьарчамаг дила вайла бяхъири, нунира гъана балули ахленра я Аллагъла Расул хлуни ит балу балули наб бяхъирил, ахли хъела урчи дуцбухъахъес бяхъирил?» Идбаг ☞ виклар: «Аллагъли ☞ верцахъаб идбаг сунела асхлябтас балу – балули бяхъилизивад я Гякашат». Илди гъайра дурили Идбагли ☞ Билал асхляблизид Фатиматла хъули арякъахъи сунела гьарчамаг хахъес хьарбариб. Билал асхляб клелра някъли сунела бекла буцили Фатиматла хъули гьарчамаг хес арякъун, сунези сай виклулири: «Идбагли сунела къаркъайзивад къясас кайсахъули сай». Фатиматла хьулрала гъала ваклили унзализид къутдяхъиб. Фатиматли унзала гъалавси че саю или тлама дариб. Билал асхлябти иб Идбагли ☞ сунела гьарчамагличи вархъибсира или. Фатиматли хьарбаиб: «Я Билал, дила дудешли гьарчамагличил се бирулив?» Билал виклар: «Я Фатимат, марлира хъела дудешли сунела къаркъайзивад къясас бедлугули сай». Илхъели

Фатимат урклибухъи виклар: «Я Билал, чила уркли паргъатбирулив Аллагъла Расуллизивад къясас сасниличибли?» Билал асхлябти сасили гьарчамагра, ваклили мижитла Идбагличи ☞ бедиб, Идбагли ☞ Гякашатлизид бедиб. Абу

бадди сунела къаркъала гьаргбариб, бусурмантани тламатарили бисибиб. Идбагла ☞ гьаргбиубси къахъличи хъеризурли Гякашат кайкили байвиклули виклар: «Хлу дила рухли сайри Аллагъла Расул чила урклилис



Бакрлира Пумарлира ил чебаибхъели клелра абизурли виклар: «Я Гякашат нуша хъела гъалар сарра, нушазибадди къясас каса, Идбаглизидбадди камайсид». Идбагли ☞ илдази иб: «Кадиирая, марлира Аллагъли ☞ хлушала мерани баяндариб». Пур айзурли Гяли асхляб виклар: «Я Гякашат, ну Идбагли ☞ гъалав халаваибсира, дила урклилисра дигули ахлен хлуни Аллагъла Расуллизивад къясас сасили, иш дила къахъ хлед, иш дила михъир, набзибадди сасагу къясас». Илизи Идбаг ☞ виклар: «Я Гяли марлира Аллагъли ☞ хъела мерра, хъела къасра нушази баяндариб, кайти чариубли». Пур абизур Хиясанра Хусейнра ва виклар: «Хлуни балули ахленриб нуша Идбагла ☞ бутла сарни, нушазибадди сасибси къясас Идбаглизидбад ☞ сасибсигъуна сабни?» Идбаг ☞ илдази виклар: «Дила хулбалла шалаби, кадирая». Пур Идбаг ☞ виклар Гякашатличи дугъавизурли: «Я Гякашат, бирхъуси виадли бяхъя». Гякашат Идбагличи ☞ виклар: «Аллагъла Расул хлуни бяхъибхъели набчирпалтар аги». Идбагли ☞ партайзи-

дигахъу хъезивадди къясас сасес, нуни барибсиллизивад дила мурад сабри дила къаркъала хъела дурхъаси къаркъайчи къячбикни, хъела дурхъадешли нура Жагъанабла цализивад верцахъишагу или». Илхъели Идбаг ☞ виклар: «Я адамти, Алжанала агълуличи хъердизес дигадали иш адамличи хъердизирая». Илхъели лебил бусурмантани абизурли Гякашатличи хъербиклули виклар: «Хлябра халаси разидеш леб хлед, хлуни Алжанализид халаси даража сархурри». Я Аллагъ ☞ Хлуни нушара хъела Хлябибла ☞ шафагъятлизи кумхадарабагу. Ибну Масгудли бурули саб: «Идбагла ☞ беклала замана гъамбиклухъели Идбагли ☞ нуша лерил Гяишатла хъулир цаладяхъира. Идбаг ☞ нушачи хъеризур илала хлули базирад биса кантдиклулири ва виклар: Аллагъли ☞ хлушачи урклеци бараб. Нуни хлушаб Аллагълизирад ☞ урухълахъесра, Аллагълиси ☞ гьибадат бирахъесра васият бирулра. Марлира нуша декларадикес замана гъамбиклули саб, Аллагъличира ☞ даимси Алжанализира»

» 6

<p><b>Учредитель</b> Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p><b>Редакционный совет</b> Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p>	<p><b>Главный редактор</b> Заурбек (Абдулла) ЯИКБАЕВ</p> <p><b>Редактор</b> Асхаб ДЖАРБАЕВ</p> <p><b>Канонический редактор</b> Мухаммад ДАВУДОВ</p> <p><b>Корректор</b> Асхаб ДЖАРБАЕВ</p> <p><b>Дизайн, вёрстка</b> Мухаммад МУСАЕВ Иса ОМАРОВ</p>	<p><b>Менеджер</b> Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p>	<p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам».</p> <p>Отпечатано в ООО «Дом печати» по адресу: пр-т Акушинского, 20.</p> <p>Заказ _____</p> <p>Сдано в печать 29 декабря 2013 г. в 18:00</p> <p><b>Тираж 2. 100 экз.</b></p>	<p><b>Адрес редакции</b> 367015, РД, г. Махачкала, ул. Аскерханова 13а.</p> <p><b>Телефоны:</b> Редакция: (8722) 51-85-22. Подписка и доставка по г. Махачкале: 914-222. по Республике Дагестан: 8-988-699-28-24.</p> <p>e-mail: assalamweb@gmail.com; www.assalam.ru</p>
---	---	---	---	---

# Рабиғуль аввал базлизиб мавлид бирни

1 « Амма мавлидла мяғна сай Идбаг ﷺ миңдирли левалхелера лебсири. Сенкун мавлид Къудратла Бел Аллагъли ﷻ Мухаммад идбаг ﷺ расул варили вархъниличил бархбасунси саби. Ил анцбукъличи разидеш балахъуси байрам саби ил. Ил сай левхели сабригу ил вархъниличил беглара разибиубти. Масала, чини эс вирара бусурманти белгиси мерличиб цалабикибхели, Расулаллагъ ﷻ чевяхъвирули гъайхлебикли или? Илхели саригу балга-дугъя дирути, Къуръайзирад сураби дучути, аятуни баяндирути. Илдигъунти дирути ахенри виклес вирар Исламлизиб селра хлебалуси адамшун. Эгер илди Мухаммад идбагла ﷻ замана мавлид ибси дев бузахъуси ахенри или кабизурли биалли, динна литературализир пайдаладирути гъялцад терминтазирад гелумдизес чебиркур, сенкун итхели илдир лерти ахенри. Илдигъунтазирад сари «фикъги», «тафсир», «мусталахул хядис», «усул», «маған», «мантикъ», «нахви», «сарф» ва цархилти. Нуни ишар гъандушибти уми сай Мухаммад идбаглис ﷻ глерги дагъардиубти сари, амма илдан иргъахъути гилмурти Мухаммад идбаг ﷻ миңдирли левхелера лертири. Лерилра сагадешуни къадагъадарес вирус ахен, сенкун гъалимтази гилмула жузи хелуклахъни бархъси хлебирар, Исламла белчудила заведениеби хлебхъес гъамал хлебирар, мижитунни лшес хъжатдеш леб, бахълизи мяғни-хъл далахъути гъяғниахълуми динна мурадуназира пайдаладирес хъжатбиркули саби гъанна. Гъай-гъай, илди ва цацадехл цархилти секлал сай Идбаг ﷻ миңдирли левси замана лерти ахенри ва диэс хедире. Ишбархли микрофонт пайдаладирулра гъайдиклхели. Гъалар илди агартири или гелумдизес асухлебирар калли илдириад. Маккализирти ва Мадинализирти мижитунни мрамар къаркъала генабачил жагадариб. Типографиябазир Къуръанна жузи дурайули сари. Къуръан бучни гъамадбахъес ва бучути гъарацхлебиркахъес хъракаби лукескабиб. Исламла конференцияби ва цархилти гъунибағниби дурадуркули сари. Иракъла шайчибад хъж барес башутас «микъат» белгибарибсири ва кабизахъурсири халиф Пумарли—Идбагла ﷻ беглара хурматла иквалачибазивад цали. Лерилра чедир гъандушибти секлайчил бусурманти гъанна пайдаладирути Исламлис гъялхедеш бағъандан саби, амма илди секлал Идбагла ﷻ замана лерти ахенри калли. Мавлид сагадеш саби, ил къадагъабарибси саби биклутани лерилра чедир гъандушибти секлалра урдирхъули диэс гъяғнитире, илгъуна анцбукълизир. Нушала Идбагли ﷻ къадагъадирути лерилра секлал далути гъялмтани ва имамтани бурули саби: Идбагла замана агарси яра къадагъабарисе, Къуръанничи ва хъядисуначи балхлебиркуси, лерилра мазгъабунас хълчи кабихъибти дурхъати гъялмтани маслигътидирути секлайчи далхедиркули яра къаршили дурадълхъули диалли, илди хърамти сари ва къадагъадарибти сагадешуни сари. Амма Идбаглис ﷻ глерги аклубти ва Къуръанничира, хъядисуначира далдикибти хурматла имамтани ункъли чедибти лерилра секлал гапличи лайкьти сари ва гъялти сагадешуни сари. Илкъяйда виклули сай нушала чевяхъси имам Шафигли ﷻ. Лебил-



ра дунъалис машгурти гъялимти – имам Навави, имам Гъазали, Ибну Хаджар, Пизу бну Гъядусалам, Суюти, Тажуддин Субуки, илдачил къабулли сай Ибну Таймийа. Мавлидличила бурухелера Къуръайзирад ил глебурцуги аятуни кес вирар, мавлид къадагъабарибси сагадеш саби биклутани хатлабиркули биғнилис бикъридеш дирути хъядисунира гъандушес вирар. Мавлид асухлебируси сагадеш саби биклутала гъай селилра мардирули ахен, ил хатлала пикри саби. Илдани чули буруси марбируси селра гъанбушесалра бирули ахен. Идбагли ﷻ сай аклубси бархли чебяхълабириде ибси ахенри. Ил бирахъес я къадагъабарибси ахенри. Къадагъабарибсиле халбируси саби сай Идбагли ﷻ барес асухлебирусиле халбарибси-цун, илини сунечила селра хлебурибси ахенну. Къуръайзиб бурили саби (мяғна): «Хушази нагъюбарибсиле зирад гъарахъли дуэная» («Аль-Хашр» сура, 7-ибил аят). Исламла машгурти гъялмтани бурули саби: «Мавлид—Исламлизиб багъарбиубси гъялси гъядат саби». Дурхъаси хъядислизибра бурили саби: «Исламлизиб гъялси баркъудилис хълчи кабихъибсиле гъялхедешуни дирути сари ва илала гилбрат даимбарибтас Къиямала бархли сабаайчи гъялхедешуни дирути сари». (Муслим). Идбаг ﷻ сунела асхъабтази виклули сай: «Хушаб Алжанала унхърази хъурадиде дигираяв?», асхъабти диги я Аллагъла Расул или биклар. Илхели Идбаг ﷻ виклар: «Зикрула мажлис лебси мераначи дашенная, марлира илди Алжанала унхърази кабили ахенти хлебирар». Гурра бурули саб зикрула мажлисличи адамти цалабикибхели, илдала ита аркули гъар кацлибси къяшла ганзлис бунагъуни умудире ва гъялти лукла

или, итаб кабили лебалтира лебил малаикун Аллагълизи ﷻ булгар илдала бунагъуни умударахъес. Суал аклес асубирар хъядисуназиб буруси зикрула мажлис сабгу или. Мавлид ибхели, ил дев машгурбиубли саб лерил зикрула мажлисунас. Мавлидличил цалабикибтани дурутира, дучутира зикрутира сар, Къуръа аятунира сар, Идбагличи ﷻ салаватунира сар, Идбагла ﷻ жагати сипатунира сар. Илди хедирахъес узусила дин бехъес узнила дурабад гъатли се къас биэс бирару гъатли? Къуръан се сабил ва илизив учусилис се укра лебал нушани балулира. Идбагличи ﷻ ца салават бушибсиле Аллагъли ﷻ вецал чардалта, Аллагъли ﷻ ца салават чарбатурсиле Жагъанабла ца къячхлебилкан ибси хъядис леб. Къуръайзив Аллагъ ﷻ виклули сай: (мяғна) «Беглара гъялси зикру Аллагъ ﷻ гъануршни саб». Идбаг ﷻ вебкибхели Гъяшпат ﷻ Идбагла ﷻ дурхъаси хъяла мякъла глшризури риклулири: «Ва, клантгити палтар чехлегурси. Ва, клантгиси ухъала кахъейхъунси. Ва, сунела кани клантгиси къацли хлебелкъи дунъализивад дураухъунси. Ва, клантгиси ухъаличиб къаркъала ухъа чебакибси. Ва, цализивад урухъули лебил дуги гъанк ахелхъибси». Мавлидличир ихти лерил сари дучути, хлебиалли мавлидличил къаршидеш дирусини беглара гъалаб Къуръайчи къаршидеш дирули сар, гур хъядисличи дирули сар, гур Идбагла ﷻ хъунул, бусурмантала неш Гъяшпатличи къаршидеш дирули сар. Дин бехъес ахенсе се къас биэс бирулив ил адамла? Аллагъли ﷻ нуша илдигъуна пикрумазирадира дерцахаба. Динла узби цалабикили ца хъулиб, Алжанала анхълизиб, барх бучули, зикрурта биркули, балгна биркули чула ургала къаркъаван

чумабируси саби. Бусурмантала ургалаличилара, узидешличилара дахъал хъядисуни лер. Дагъистайзибра ишцад къиянси замана сабхели нушаб илди узидеш чичиралра дебали хъжатли сар.

Ишаб цагъатли суал алкули саб. Мавлидла дурхъадешра, хъжатдешра аргъира, амма ил барес гъарилла имкан лебу? Ишбархилизиб мавлидла мяғна бетаурли саб азир журала деркестира, держестира. Хъунул адатас мавлидличил бузрадли хъядурбиклес гъяғнили саб. Гъанк агарли бузес чеббиркули саб. Мавлид таманбиубли глерги илди лерил дучесра, умударесра цагъатли бархли аркули саб. Бузути адамти сен мавлид таманбиубара или разили кабирули саб. Илала дурабад сецад халаси харж гъяғнилил. Садакъа дебали гъялси секлал саб, вегла хъули адам ваклили, секлал берки арякъни дебали дурхъаси саб, амма чебси ахен. Гъарилла ахърира лебси ахен. Мавлидра ишбархилизиб садакъаличил бархбаси саб. Садакъа барес ахъри агарсини мавлидра бирули ахен. Илди лерил секлал ляркули сар ца хъядисличи, «ну дила умматлис даджаличив дебали аблизивад урухъус» биклуси. Цали мавлидра барилли, халаси устулра белшалли клэсини гъатлира халаси белшес узули сай. Илди дарес ахъри агарсини секъядалра мавлид хлебарилли кавлули сай. Илбағъандан динла узбира – рузбира, иш мавлид базлизиб нушани гъялти жагати чъйра дарилли, муридешра кадихъили мавлидуни дарахелли гъарил адамли мавлид барес вири. Гъарил адамли Идбагла ﷻ баракглизи кумхавизе вири. Аллагъли ﷻ нушаб кумекбараб бархъси динличи даклили, абзанира, гъядатунира датахъес! Амин.





# Бегла гьегъиси дяват

1 « дила гьярхЯ гьамбикъули саб. Дила жаназа Гяли асхЯбли бирцаб, шин Фазл бин Гяббаслира, Усамат бин Зайдлира кергӀаб, ну дила палтарлизи вергаба яра цуба палтарлизи вергаба. Ну вергули гьегъи дила ухъаличи кайхъаба ва ца сьгӀятлис хлуша лерил хъулирад дурадухъенная. Марлира дегӀлара гьалар набчи жаназала дехӀбала дурхъадешла вегӀ Аллагъли ❁ диру, гур ДжабргӀил малаикли диру, гур Микаил малаикли диру, гур Исрафил малаикли диру, гур ИзргӀил малаиклира сунела гьяскарлира диру, гур калунти лебил малаикунани диру. Гур хлуша духӀнадухъенная ва хлушанира жаназала дехӀбала дарая. Идбаг чучил декларавиркниличила бакъибхӀели лебил асхЯбти чьярбикъули бисес бехӀибхъиб ва биклар: Я Аллагъла Расул ❁, Ху нушала Расул сайригу, Ху нушала хъул сайригу, нушала амрутгала пача сайригу, Ху арукъядли нуша чичи чардулхъиша? Идбаг ❁ виклар: Нуни хлуша дигиличирра шаласи гьуниличирра далтулриая. Нуни хлушаб ца гьайбикъуси ца лехкахъибси кӀел вьгӀза датурра. Илдазибадди гьайбикъусира Кьуръан саби, лехкахъибси бекӀа саби. Хлушаб сегъуналра амру васвасбиубхӀели Кьуръайчи ва Суннатличи чардулхъенная, хлушала уркӀби чьумадиали илди бекӀаличила пикрумани кӀантӀидарая». Идбаг ❁ сафар базла ахирличив изесвяхъиб, изулира калун 18 бархӀи. Сунечи идбагдеш понедельник бархӀи хьурадарибтири, вебкӀибси бархӀира понедельник сабри. Понедельник бархӀи бакъибхӀели Идбагла ❁ изала цӀакъбиуб. Билал асхЯбли савлила дехӀбайс акбар белчи Идбагла хъулрала унзала гьала вакӀили тӀашизурли тӀамадариб: «Ассаламу гьялайка я Аллагъла Расул!». Илизи Идбагла ❁ рурси Фатимат риклар Идбаг ❁ сунезивли вархили сай или. Билал асхЯб мижитла ухӀнаухъун, илини Фатиматла гьайла мурад ахӀегъиб. Шалабируси заманизив Билал асхЯб гурра вакӀили унзала гьала салам бедиб. Идбагли ❁ илала гьайла бакъили виклар: Я Билал, ухӀнаухъен хъули, марлира ну вархили леври дила изала цӀакъбиубли саб. Гур Идбаг ❁ Билал асхЯблизиди Абу Бакр асхЯблизиди адамтачил дарх дехӀбала дарахъес бурахъес хьарбариб. Билал асхЯблизиди някъли сунела бекӀра буцили, хӀябра халаси балагъ бакъибкьалли, ну аклубли хӀейасри иш бархӀи чехӀебаэс багъандан или вьвикъули, висули Идбагла ❁ хъулилад дураухъун. Билал ухӀнаухъи мижитла Абу Бакр асхЯблизиди виклар: Я Абу Бак, Идбагли ❁ хӀези хьарбариб адамтачил дарх дехӀбала дарахъес, сай ишбархӀи вархили сай. Абу Бакр асхЯблизиди Идбагла ❁ михӀраб бацӀли чебаибхӀели яхӀлизи викес имкан агарли халаси тӀамадарили кьагъибубли кайкиб. Лебил бусурмантира иличил барх дебали бисес бехӀибхъиб. Идбагли ❁ илдала бисала тӀамала бакъили виклар: Я Фатимат, се бисала тӀама сабу их? Фатиматли иб ху чучивад декларавиркни багъандан бисути бусурмантала бисала тӀама саб или. ИлхӀели Идбагли ❁ бакӀахъили Гяли асхЯбра, Фазл бин Гяббасра илдачи хьарихъи мижитла арякун. Мижитлар халкъиличил дарх савлила кӀел ракагӀятла дехӀбалара дарили, илдачивяхӀ шурухъи виклар: Я бусурманти, хлуша Аллагъла ❁ хӀерудилизир сарая, хлушачиб хьарси Аллагълизира



❁ урукӀесра ва Аллагълис ❁ гьибадат биресра саб. Марлира ну иш дуньяличил декларавиркуллира, ишбархӀира дила дуньяличибси бегӀла гьегъиси бархӀи саб, дила ахиратла цаэси бархӀи саб. Гур айзурли сунела хъули арякун. Аллагъли ❁ ИзргӀил малаиклизи хьарбариб Сунела Хябблизиди бегӀлара жагаси куцӀичил арукъахъес, рухӀ дурайсухӀеллира уркӀеци чевли виахъес хьарбариб. Пурра хьарбариб Идбагличи ❁ ухӀнаухъули ихтияр сасахъес, ихтияр хӀебадалли чариубли вакаахъес хьарбариб. ИзргӀил малаикли жагаси гьярабла куцӀичил Идбагла ❁ хъулрала унзала гьала вакӀили виклар: Ассаламу гьялайкум я Идбагла агъу, хлушачи ухӀнаухъес асубирару? Илизи Фатиматли иб: Я Аллагъла лагъ, Идбаг вархили сай, ила лизала цӀакъбиубли саб. ИзргӀил малаикли гурра тӀамадарили виклар: Ассаламу гьялайка я Аллагъла Расул ва Расулла агъу, асубирару ухӀнаухъес? Идбагли ❁ илал тӀама бакъили Фатиматлизи их че саю или хьарбаиб. Фатимали ца гьяраб лев нунира Идбаг вархили сай или бурира или жаваб чарбатур. ИзргӀил малаикли гурра тӀамадариб. Фатиматли гурра гьалар дурибти дуриб. ИлхӀели Идбаг ❁ Фатиматличи хӀеризур, Идбагла ❁ хӀеризнилизиди Фатиматла кьаркьала руржесвяхъиб, уркӀи урукъибуб, дяхӀла ранг дарсдиуб. Илизи Идбаг ❁ викла: Я Фатимат, унзала гьалавси че саял хуни валаду? Фатиматли хӀеласра или жаваб чарбатур. Идбаг ❁ виклар: Их сай лазатуни делхъан, шагъатуни кьабан, джамагӀятуни декларадиран, их сай хӀябри диран. ИлхӀели Фатимат цӀакъли рисириили риклар: ХӀябра халаса балагъ леб вегӀла гьегъиси Идбаг убкӀнилис, хӀябра халаси балагъ леб вегӀлара Аллагълизивад ❁ урукъуси убкӀнилис, бегӀлара умутала пачахӀ аркъенилис, ишбархӀила гьегъи нуни хӀела гьайла хӀебикъис, ишбархӀила гьегъи нуни хӀела саламла хӀебикъис. Идбаг ❁ сунела рурсилизи виклар: Я дила рурси, марисудра, дила агъ-

лулизирад набчил ху регӀлара гьарцахӀнаиркусири. Гур Идбагли ❁ ИзргӀил малаиклизи ухӀнаухъен или иб. ИзргӀил малаикли Идбаглис ❁ салам бедиб, Идбагли ❁ саламра чарбатурли хьарбаиб: Я ИзргӀил, ху зияратли вакӀибсирив ахӀи дила рухӀ ардухес вакӀибсирив? ИзргӀил малаикли иб: Ну вакӀибсирив зияратлира, хуни ихтияр гадли хӀела рухӀ ардухесра хӀегадди чариубли аркъясра. Идбагли ❁ илизи ДжабргӀил малаик чинав ватурал хьарбаиб. ИзргӀил малаикли ил дуньяла заклизив вагъниличила буриб. Ца сьгӀят хӀедикили ДжабргӀил малаик вакӀили Идбагла ❁ бекӀла мякъла кайъиб. Илизи Идбаг ❁ виклар: Я ДжабргӀил наб ахиратлизи сегъуна мер лебал разиварабагу. ДжабргӀил малаик виклар: Я Аллагъла Расул, марлира лерил закла унзурби абхъили сар, малаикунни кьуйри дарили хӀела рухӀ дакӀайчи хӀербикъули саб, лерил Алжанала унза абхъили сар, лебил хурул гьанти жагабарили саб хӀела рухӀличи хӀербикъули саб. Гур Идбагли ❁ хьарбаиб: Я ДжабргӀил, хуни ну разивараба Къямала бархӀи дила уммат секъяйда бирару? ДжабргӀил малаик виклар: Марлира Аллагъ ❁ виклули сай Алжаналичи ху ухӀнаухъайчи цархӀилти идбагунас Алжана хӀярамбарира или, хӀела уммат бухӀнабухъайчи цархӀилти умматунасна Алжана хӀярамбарира или. ИлхӀели Идбаг ❁ виклар: Гьана дила уркӀи паргъатбиуб, дила марайдешра ардякун. Гур Идбагли ❁ ИзргӀил малаиклизи гьамиахъубли рухӀ дура сахъес ихтияр бедиб. РухӀ дурайсули Идбагла ❁ чиличӀаличи детаибхӀели Идбаг ❁ виклар: Я ДжабргӀил хӀябра кьиянси леб бекӀала изала. ИлхӀели ДжабргӀил малаикли Идбагличибад ❁ бекӀ шурбатур, Идбаглира ❁ хьарбаиб: Я ДжабргӀил хӀед набчи хӀерикес дигули ахӀенрив? ДжабргӀил малаикли жаваб чарбатур: Я Хябибуллагъ, чис дигахъув хӀела дяхӀличи хӀерикес ху бекӀа изай язихъвирухӀели». Гяли асхЯб ❁ виклули сай: «Идбагли ❁ дегӀлара

гьегъи сунела кӀунтӀби кийна вьшдариб, нунира Идбаглис бурес дигуси бакъира, Ил дигӀянали «дила уммат, дила уммат» или виклулири». Идбагла ❁ дурхъати рухӀра Рабиғуль аввал базла понедельник бархӀи ардухиб. Пурра Гяли асхЯблизиди бурули саб: «Сунени хьарбарибван Идбаг ❁ вирцес кайхъибхӀели ахъси тӀамали тӀамадариб МухӀяммад майцидая или, марлира ил умутала умуси сай или. Нура васвасизиди викира, ва хьарбаира: Ху че сайрив? Набзи Идбагли ❁ хьарбарибсигу сай вирцахъес. ИлхӀели декларси тӀамали тӀамадариб: Я Гяли, вирца Идбаг ❁, цаэси тӀама сунечи Аллагъла ❁ лягӀну баъла иблис сабри, ил уркӀигьегъили саб Идбагличи ❁, илала кьасра Идбаг ❁ умули хӀябла ухӀнахӀевхъахъес саби. ИлхӀели Гяли асхЯбли ❁ иб: ХӀед халаси баркалагъ набзи иблисра илала макрура дакӀударибси, ху биалли че сайрив? Гяли асхЯбли ❁ жаваб бакъиб: Ну-Хизри идбаг сайра, ну МухӀяммадла ❁ жаназала мякълав леври». Идбагла ❁ жаназа Гяли асхЯбли бирциб, шин Фазл бин Гяббаслира Усамат бин Зайдлира кергӀиб. ДжабргӀил малаикли Алжанализиди чӀянкӀи хиб ва Идбагла ❁ жаназа ихизи бергурли, арбгӀи бархӀила байдугилизиди Гяишатла хъули хӀярививиб. Иш дунья чалисарла даимси биалри нушала Идбаг ❁ ишав вири. Иш базра нушала дурхъаси Сайид, Хябиб, МухӀяммад ❁ акӀубси Рабиғуль аввал баз саби. Нушанира барес дируси, имцӀа имцӀали мавлидуни дирес, Идбагличила ❁ пикридиклес, Идбагла ❁ гьуни буцес сарра. Илала хӀекълизирад нукъсандеш барес асухӀебарар. Нушаб хъумхӀертесра хӀяжатси саб, Рабиғуль аввал баз Идбаг ❁ акӀубси базцун ахӀи Идбаг ❁ нушачивад арякунси базра саб. Нушани барес дируси садакьара барили, нушани барес дируси гьибадатра барили, лерил дарибтала ужрара Нушала дурхъаси Идбаглис ❁ хӀялалбатес хӀяжатбиркур. Иличирли Аллагъли ❁ нуша сарра дурхъадирути.

## Дурхъати мавлидунни

Я Аллагъу я Аллагъ я Аллагъу я Аллагъ  
Я Аллагъу я Аллагъ я СахИбал карами

Пяраб гяжамла ухнав вегла дурхъал МухИяммад  
Ванзалиб башутазив вегла ахси МухИяммад  
Лерил ахти сунени тинти дируси МухИяммад  
Лерил ахдешунала бекли сайси МухИяммад

Лебилра расултала тажли сайси МухИяммад  
Сунени бурай хабар цакъли бархъси МухИяммад  
Сунени барай вагъда цакъли бихлул МухИяммад  
ТабигИятра гямалра цакъли ахси МухИяммад

Сунна акни табигИят нурли сабси МухИяммад  
Мурталра нур ухули чеб архлякул МухИяммад  
Пяддуличибли хлукму бириси сай МухИяммад  
НигИматра рахИматунра авдул гиниз МухИяммад

Аллагъла халкъла ухнав вегла дурхъал МухИяммад  
Аллагъла расултала вегла ахси МухИяммад  
Бархъси хлекъсичибли дин буриси МухИяммад  
Ахъси дубурли дяхин шяргИ бихлуси МухИяммад

Сай гъануршайла чархлив рухли сайси МухИяммад  
Сунечи шукру барни фарз барибси МухИяммад  
Дунгъалибси жагадеш сунезибси МухИяммад  
Диннизиб лебси ишквал убисуси МухИяммад

Манакьирти жагаси Саййид сайси МухИяммад  
РахИмай нигИматличивли вархъибси сай МухИяммад  
Аллагъла гъалав умул сафи сай ил МухИяммад  
Адамти так хлебиркул Тагьир сай ил МухИяммад

Чеибси гъарил гяхлял тлалаб вирул МухИяммад  
Сунела унрубачи зарал агар МухИяммад  
Сай вархънили дуниял бизи биай МухИяммад  
Мугъжизатуначивли вакьибси сай МухИяммад

Халкъ абурцуси берхи нушаб шафигИ МухИяммад  
Шябдешлумазирадли дурайуси МухИяммад  
Къасдличил Аллагъличи вяхчи визай МухИяммад  
Сунечибли расулти хъарахъибси МухИяммад

Мавла я салли васаллим даиман абадан  
Гяла Хлябика хайрил халкъи куллигъими

Макка шала барибси журуга базла шала  
Лебилтас хлекъбиубси мархляба Шагъру РрабигИ  
Шафагътла маркани гялам рази барибси  
Барка дурхъаси итни АхИмад варибси дуги

Сумма АлхИамдулиллагъ хела лугъти дитънилис  
Даимти салат салам Иварагла затличи  
Зубразибси берхлини къадру балли ватурси  
Дуги шагъри базлира у булли гаи варибси

Гъар мицираг гяшикъти авлакъла жан разити  
Хлячилизибад бухъи галгани жаваб гибси  
Лугехле нушанира гяшикъти салат-салам  
Дурхъаси АхИмадличичи агълу Асхлябтачира

Мавла я салли васаллим даиман абадан  
Гяла Хлябика хайрил халкъи куллигъими

Нушала динна гиниз хлувархъили хейадри  
РахИмай ишди халкъличи чебатыи гъалакъдеш  
Дунья шала барибси хела нур хлебиалри  
Саб мицирли ца улки лебилра капуртачи

Мусни-зубри Гяръш-Курс Алжан-Жагъаннам  
ЛавхИ-Къалам  
Хлу багъандан аклахъни баари дурхъадеш леб  
Ца Аллагъла Затличи фардав ахъбалли хлеръай  
Маккала хлутаржуман малтаба лайдакили

Барка РабигИул Аввал АхИмад варибси шагъру  
Барка дурхъаси итни уммат хлулбукиб дуги  
Салат хлечи Ивараг Аллагълис хлу дигуси  
Салам хлечи я Саййид Мурсалинта челгъул таж

Мавла я салли васаллим даиман абадан  
Гяла Хлябика хайрил халкъи куллигъими

## Мяхлялул къиям

Урху лутила ухнав жавгъар къяйда умули  
Баз гъунабти дяхличил ил Хлябибуллагъ вариб  
Ил дугила дурхъадеш лайлатул къадрилара  
Дурхъадешличибадра халикъли имца бариб

Акьубси сягъатлизив такбир балли гъай ухъун  
Аллагълис деза бариб сай суждаличи кайкиб  
РяхИмайчивяхИ шурухъи гъай виклес сай вехИхъиб  
Жагъаннаблибад уммат берцахъни тила бариб

Ца умматла ахенси децИ сунела агарси  
Акьубси сягъатлизив децИ илдала барибси  
Илгъунабси Хлябичи уммат нуша сархели  
Дашира хала валли гъанна тлашдилзахлену

Мархляба хлябибуллагъ хъашкелди расулу ллагъ  
Мархляба хлябибуллагъ хъашкелди расулу ллагъ

Чевяхси Аллагълира сунес икрам барибси  
Илис нуша тлашдизни дебали камли саби  
Сай багъандан махлукъат аклахъубси ШафигИлис  
Шукру балли нушани таман барес хлейрехле

Урху лутилар лерти лерилракъи мягИдунтас  
Лаикъси къиммат бедес бажарди хедиркулра  
РахИматли сай вархъибси Ивараг ил сайхели  
Нушал ахъри биклуцад бирехле илис ТагИзим

Мархляба Хлябибуллагъ хъашкелди Нурулгъуда  
Мархляба Хлябибуллагъ хъашкелди Гиззулгяраб  
Мархляба Хлябибуллагъ хъашкелди Абул Къасим  
Мархляба Хлябибуллагъ хъашкелди Абу Тиййиб

Мархляба Хлябибуллагъ хъашкелди НигИматуллагъ  
Мархляба Хлябибуллагъ хъашкелди Рухлул къуддус  
Мархляба Хлябибуллагъ хъашкелди Гяйнул гиззи  
Мархляба Хлябибуллагъ хъашкелди Гяйнуллагъим

Мавлид хала барили сухбатли дакилрану  
Ваши хлура гяхладли тила саб хлези Хлябичи  
Шафагъят биркниличичи гишкъ-хуллизир леррану  
Саигу мажлислизи тила саб хлези Хлябичи

Хлед умматли дарнилис разидешлир леррану  
Разидешли вархикес тила саб ваши Хлябичи

Хлу лывкънилчи дирхули нуша тлашли сарану  
Жаваб разили бара тила саб хлези Хлябичи

Диги хлечи лебнили цала дикилирану  
РахИму бутлес хлу ваши тила саб хлези Хлябичи  
Гьидаятла унзурби абхес хедиркулрану  
Умхънира хили ваши тила саб хлези Хлябичи

Адаб агар тламалис гяйиб мабирид Тагъа  
Биштатани бегтала адаб бихляс хлебирар  
Адаб батни дигини бухнаб клани бирисину  
Нушал адаб батнилис итхъи чевверхи Тагъа

Я Рабби жага дара Хлябичи хлябра рухИра  
Мурити гьеманачил салат-саламличилли  
Я Рабби ризкъили га Хлябичи шафагъятра  
Иш нушала мажлисли цала бикай гъариллис

Мархляба хлябибуллагъ хъашкелди расулу ллагъ  
Мархляба хлябибуллагъ хъашкелди расулу ллагъ  
Амин Аллагъ! я Аллагъ! Амин Аллагъ! я Аллагъ  
Амин Аллагъ! я Аллагъ! къабул бара я Аллагъ!

## Ассубхлу бада

Ассубхлу бада мин тлалгъятигъи  
Ва лайлу даджа мин вафратигъи  
Фаакъа ррусула фазлан ва гьула  
Агъда ссубула лидалалатигъи

Канзуль карами мавланнигъями  
Гъадиль умами лишаригъятигъи  
Азка ннасаби аглал хлясаби  
Куллуль гяраби фи хидматигъи

Сагъяти шшаджару натакъаль хляджару  
Шакъаль къамару бишаратигъи  
Джибрилу ата лайлата асра  
Ва Раббу дагъля лихлязратигъи

Нала шарафа валлагъу гяфа  
Гямма салафа мин умматигъи  
Фа МухИяммадуна гъува сийидуна  
Фаль гиззу лана лииджабатигъи

Фа МухИяммадуна гъува сайидуна  
Фаль гиззу лана лииджабатигъи.



**Нушала Идбагла е узби ва рузби лебтирив?**

Нушала Идбагла е дүлекла узби ва рузби агартири, амма ниъла лебтири. Ниъла узби: МасрухI, Хямза бину ГябдулмутIалиб, Абу Салама бину Гябдуласад аль-МахIсуми (Гергъити кIелра Сувайбани балхули калунтири Идбаг е акIес авал дус гъалаб), Гябдуллагъ ибну аль-ХIярис, сунелара неш ХIялимат ас-Сайдия сарри. Ниъла рузби: ХIузайфа, Ани-сат бинт аль-ХIярис. Илдира ХIялиматла рурсби сабри (ар Равзул –унф)

**Нушала Идбаг е адамтачил масхурта угъусирив?**

ЦацахIели МухIаммад идбаг е асхIябтачил масхурта угъи, илдара уркIила гъава ахъбарес багъандан, амма масхара бурухIелира – илини бархъдешчун сайри буруси. Ца рухънаси хъунул адам илизи тиладирухъун сари Алжанализи рукахъес балга барахъес. Илини или сай бухъна адамти Алжанализиб бирути ахIен или. Ил хъунул адам марайриуб ва рисирииб. Пур Идбагли е имцIабариб Алжанализиб лебилра жагъги бирути саби или, илкъяйда сарира жагъси рирар или багъахъур. ЦархIил хъунул адам иличи ракIили сари ва дугъаризурли сари: «Ху муруй живирулри!». Идбагли е или сай : «Хулбазиб цIубдеш лебси мурул ахIену ил?». Лебилра адамтала Хулбалла бухIнаб лебси гIядатла цIубдешличила сайри ил викIуси. Илкъяйда ца рухънаси хъунул адамти тиладибарилли сари илизи сари валриличи кариахъес кумекбарахъес, Идбагли е или сай илизи: «Ху нушани валрила дурхIяличи каралтари». Хъунул адамти или сари: « Илини ну секъяйда рихес бирару?». Идбагли е жаваб бедиб гъарил валри... валрила дурхIя саби или.

**Ванати шинличил дазала дарес асубирусив?**

Ванати шинличил асубирусив саб, амма дебали дуцIартачил къадагъаси саб.

**Мавлид арц бедили мижитлаб белчIахъали сегъуналра бехIсурдеш лебсив?**

Мавлид вегIла хъулиб бучIуси саб, хъули баракат бакIахъес багъандан. Ил бучIуси мавлидла вегIлира бакIили, вегIла хъалибарглизира бакIахъили, гъам-гъамтазира бакIахъили. Илдалара, вегIлара уркIби кIантIидиахъес. ВегI хIерирусив, вегIла хъалибарг дурхIни хIербирути хъулрази Идбагла ﷻ баракат хъурабиахъес, зикруртала баракат, Къуръа баракат хъурабиахъес къасличил бируси саб. Мижитла арц бедили белчIахъунси мавлидлизир ихти лерил пайдурти вегIичи хIякъян. Амма сенильра Идбагла ﷻ баракатра, мавлидла дурхъадешра дакIесгу или хъул кавлули саб.

**Мавлид барес асубирусив ахIен бикIути лебгу, ил бархъсив?**

Аллагъли ﷻ нушара нушаб дигутира илгъуна пикрумазибад берцахъаб. Илгъуна секIал бурес гъалаб адам пикриухъес гIягIниса саб мавлидла мягIна се сабил ва ил селизибад цалабиркусил. Мавлидличи цалабикибтани дегIлара гъалар Идбагличи ﷻ салаватуни дуршутти сар. Пур Къуръа сураби дучIути сар. Пур Идбаг ﷻ дурхъавирули, илала гIяхIги тIабигIятуни, жагати куц-сипат дурули байтани дучIути сар. Пур зикру бирути саб. Мавлид асубирусив ахIен викIуси адам, Къуръай учIес асубирусив ахIен викIули сай, Идбагличи ﷻ салаватуни дуршес асубирусив ахIен викIули сай, зикрурта виркъес асубирусив ахIен викIули сай. Пур пикриухъалли илала анцIбукъ чина аркъулиб гъатIи.

**ВебкIибси хIяриирхъухIели хIябла гъарил къямзилар Къуръа сураби дучIули сари. Се пайда лебсив илизиб?**

Думаиряни бурули сай, адам хIяриирхъухIели ишди сураби делчIалли «Сажда», «Ясин», «ХIамим», «Табарака» ва ц., хIябличи 400 малаик кабирули саби ва гъарилла някълизиб - берклумала бергараг. «Ясин» вебкIибсила дяхIла шайчибад бучIуси саби, «Табарака» - къяшмала гъалабад, «Сажда» - цархIил шайчибад (затылок), «ХIамим» - къяшмала гIелабадси шайчибад. Адамтас багъес чебиркур, илкъяйда барни дигеси саби, амма чебси ахIен. Гъалагъала чинабалра шаригIятли чебиахъуси чеблибулси баркъуди барес хIяжатси саби, илис гIергъи суннатлара.

**Нушала Идбаг ﷻ цархIилти идбагуначивад сегъунти къиликъуначил декларулхъусив?**

Нушала Идбаг цархIилти идбагуначивад декларулхъахъути дахъал къиликъуни лерти сари, илдазирад дегIлара машгъурти гIергъити сари:

1. Нушала Идбаг ﷻ – лебил идбагуначив вегIлара дурхъаси сай.
2. Ил лерил акахъубтачи вархъибсири: Адамтачи, жиндрачи ва мицIирли ахIенти секIлачи, цархIилти идбагуни биалли, белгити халкъличи бурхъутири.
3. Ил вегIла гIергъиси Идбаг е сайри, илис гIергъи идбагуни бирути ахIен.
4. Илис багъандан ванза умусили бетаахъурсири таяммум дирахъес.
5. Душманти урухIутири нушала Идбаглизибад ﷻ, хIятта илди ургаб дебали халаси ургала лебли биалра. («ал Пакъидатул исламийя»).

**Мавлид ибсила се мягIна лебсив?**

Мавлид гIяраб мезличибад шурбатили акIни иргъахъуси саб, адамти цалабикили бирусив Идбаг ﷻ акIнила разидеш дурабуркIули бирусив мажлис саби.

**ДехIбайзив адам тIашизес ахъри агарли биалли кайили дарес асубирусив? Асубирусив биалли гIур аравиалли илди черахъес гIягIнитив?**

Адамти дехIбала дирухIели тIашизес ахъри хIебиалли, илини дехIбала селичи биалра хъарихъи диру. Хъарихъи дарес хIейрали, кайгIили диру, кайгIили дарес хIейрали кайхъи диру, илкъяйда хIейрали хIулбани диру, хIулбани хIейрали, гIякълулизир, пикривикIули диру. Кайили дарибти дехIбалара черахъес гIягIнити ахIен.



**Къяна мурталра хIярамсив?**

Къяна декIар-декIарси бирар. Исламла шайчибси сегъуналра сабаб агарли бурусив къяна хIярамси саб. ХIялалси къяна лебси саб. Ил саби – зулмукартази вегIла мас батахъес багъандан бурусив къяна. Бурали гIяхIсира лебси саби къяна, ил саби – чила биалра гIяйибти дигIандарес гIягIнихIели бурусив. Бурес чебси къянара лебси саб, ил саби – балкIа шайчиб, гIяйиб агарси бусурман адам кавшес гIелабад бикили биалли, ил верцахъес бурусив къяна. Масала ил адам верцахъес багъандан ил арякъунси мер дигIанбарес вирар. Мурул, хъунул чула ургаб балбикахъесра къяна бурес асубирусив саб.

**Рузнама**

**Февраль**

дни	Утренний Ас-СубхI	восх.	Обеден. Аз-Зугър	После-обеден. Аль-гIаср	Вечерн. Аль-Магъриб	Ночной Аль-гIишаъ
1	6:23	8:02	13:03	15:39	18:04	19:30
2	6:22	8:01	13:03	15:40	18:05	19:31
4	6:20	7:58	13:03	15:42	18:08	19:34
6	6:18	7:56	13:03	15:44	18:10	19:36
8	6:15	7:53	13:03	15:46	18:13	19:39
10	6:13	7:51	13:03	15:48	18:15	19:41
12	6:11	7:49	13:03	15:50	18:17	19:43
14	6:09	7:46	13:03	15:52	18:20	19:46
16	6:07	7:44	13:03	15:54	18:22	19:48
18	6:05	7:41	13:03	15:56	18:25	19:50
20	6:03	7:38	13:03	15:58	18:28	19:52
22	5:59	7:35	13:03	16:00	18:31	19:55
24	5:56	7:32	13:02	16:01	18:33	19:58
26	5:54	7:29	13:02	16:03	18:35	20:00
28	5:51	7:26	13:02	16:05	18:38	20:03

**Рузнама МяхIячкъалала шагъарлис саби**

**ХIурматла узби ва рузби!**

2013 ибил дуслис «Ас-салам» газеталис къулбасбирес даимбиубли саби.  
Газета къулбасбарес вирар чиди-дигара почтала отделениелизиб. Илкъяйдали Дагъиста лерилра районтазибти нушала хIянчизартачибад.  
«Ас-салам» газета къулбасбирули, Дагъистайзиб Ислам тинтIбирнилизив хIушалара пай кабирхъулрая...  
Къудратла ВегI Аллагъли нушала уркIбазиб иманра, Исламра, динничив дигира имцIадаараб.  
Дусла духIнар дурадулхъути газетабала багъни бузри хIясибли дарсдикIар!  
Дирхулра, нушала бучIанти газета агарли кахIевлан.

ХIурматла узби ва рузби!  
Динничил дархдасунти, «Ас-салам» редакциялизи яра даргала «Ас-салам» газетала редакторличив суалти лердиалли, хIушани телефонна иш гIергъиси номер хIясибли зянкъдяхъес дирудая:  
+7 (988) 303 00 08 (Ас-хаб).  
Диубсигъуна кумекбирехIе, иншаАллагъ !!!